



Klub poslanika Naša stranka - Nezavisni blok

Broj:
Sarajevo, 07.03.2022. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r g. Denis Zvizdić, predsjedavajući

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 07-03-2022

Organizaciona jedinica	Klasifikaciona oznaka	Redni broj	Broj priloga
01-	50-1-	352-2	22

Na osnovu čl. 8. Poslovnika Predstavničkog doma Parlamentarne skupštine BiH upućujem:

POSLANIČKU INICIJATIVU

kojom se traži od **Ministarstva prometa i komunikacija BiH** da u roku od 60 dana od dana usvajanja ove Inicijative pripremi i u parlamentarnu proceduru dostavi Prijedlog izmjena i dopuna Zakona o sigurnosti saobraćaja na cestama u Bosni i Hercegovini kojim će se **značajno pooštriti sankcije** za određena djela propisana navedenim zakonom, sa posebnim osvrtom na:

- Obavezno oduzimanje motornog vozila za vozače koji se vozilom na putu kreću brzinom koja je više od 30 km na sat veća od dozvoljene brzine, a koji pri takvoj brzini izazovu saobraćajnu nezgodu koja prouzroči tjelesne povrede ili smrt pješaka i drugih učesnika u saobraćaju
- Obavezno oduzimanje motornog vozila za vozače koji upravljaju vozilom pod djelovanjem opojnih droga ili lijekova na kojima je označeno da se ne smiju upotrebljavati prije i za vrijeme vožnje, a koji pri takvoj vožnji izazovu saobraćajnu nezgodu koja prouzroči tjelesne povrede ili smrt pješaka i drugih učesnika u saobraćaju
- Obavezno oduzimanje motornog vozila za vozače koji upravljaju ili počnu upravljati vozilom u saobraćaju na putu kod kojih se utvrdi količina alkohola u krvi preko 1.5 g/kg, a koji pri takvom upravljanju izazovu saobraćajnu nezgodu koja prouzroči tjelesne povrede ili smrt pješaka i drugih učesnika u saobraćaju
- Obavezno oduzimanje motornog vozila za vozače koji u određenom periodu sakupe određeni broj kaznenih bodova, odnosno za vozače kojima u određenom periodu u više navrata bude oduzeta vozačka dozvola, prema procjeni ministarstva
- Obavezno oduzimanje motornog vozila za vozače koji duguju više od određenog iznosa za kazne u saobraćaju, prema procjeni ministarstva
- Obavezno oduzimanje motornog vozila za druge posebno ozbiljne ili prekršaje koji prouzroče tjelesne povrede ili smrtno posljedice, prema procjeni ministarstva
- Pooštavanje sankcija za parkiranje na mjestu koje je označeno kao parking-prostor za lica s invaliditetom ako vozilo nije obilježeno propisanim znakom (trenutna kazna je samo 40KM, odnosno pola tog iznosa ako se ista plati u roku od 8 dana, član 238., a što očito ne predstavlja adekvatan preventivni mehanizam)
- Pooštavanje sankcija za druge prekršaje, prema procjeni ministarstva



Klub poslanika Naša stranka - Nezavisni blok

OBRAZLOŽENJE

Uzimajući u obzir sve učestalije saobraćajne nezgode koje su izazvane posebno opasnim i bahatim ponašanjem vozača, a koje rezultiraju teškim tjelesnim povredama ili smrtnim ishodima, kao i nesavjesno ponašanje po pitanju ponovnog činjenja ozbiljnih saobraćajnih prekršaja, odnosno neplaćanja kazni za prekršaje u saobraćaju, te izuzetno niskih i na drugi način neadekvatnih sankcija za prekršaje sa ozbiljnim posljedicama, očito je da je trenutni zakonski okvir neadekvatan sa stanovišta prevencije, te da ga je neophodno značajno pooštriti.

Ova Inicijativa stoga traži od nadležnog ministarstva da propiše obaveznu mjeru oduzimanja motornog vozila u eksplicitno navedenim situacijama, ali i drugim situacijama prema procjeni ministarstva, te pooštavanje sankcija za druge prekršaje.

S poštovanjem,

Damir Arnaut

Poslanik u Predstavničkom domu